


P366/3
LUSOGA
Paper 3
2024
3 hours



Uganda Advanced Certificate of Education

LUSOGA
(LITULICA MU LUSOGA)

Olupapulo Olw'okusatu

Saawa isatu.

ENDAGIRIRO:

*Olupapulo luno lulimu ebitundu bisatu **A,B**, ni **C**.*

*Iramu ebibuuzo bina (4) byonka nga bibiri obironda okuva mu kitundu **B** na kirala okuva buli mu kitundu **A** ni **C**.*

Ebibuuzo byonabyona byagayaza obubonero.

Ebiswika mu byolagiriirwa okukola tibiidha kukeberwa.

EKITUNDU A

EMPAYO N'ENFUMO ENHIMPI

Iramu ekibuuzo kirala kyonka mu kitundu kino;

MOSES WAMBI NI NAKIRANDA MARTHA; *Ebyeira Bisansuka.*

1. (a) Inhonhola ekikula kya Okonkwo okusinzirira ku lufumo lw'ebyeira bisansu.
(obubonero 10)
(b) Inhonhola obukodyo omughandiisi w'olufumo ebyeira bisansuka bwakozesa okutoolayo amakulu agali mu lufumo luno.(obubonero 15)
2. (a) Inhonhola amasomo agali mu lufumo ku ebyeira bisansuka.
(obubonero 15)
(b) Inhonhola enebisa ya Unoka mu kitabo, Ebyeira Bisansuka.
(obubonero 10)
3. (a) Omughandiisi w'olufumo ku Lusozi Luno akozesa bukodyo ki okutoolayo emiramwa egiri mu lufumo luno. (obubonero 15)
(b) Nga wesigama ku kitabo kino, inhonhola ebintu ebyafuula Mwambu okuba ow'endhawulo ku bantu abandi. (obubonero 10)
4. Inhonhola emiramwa egiri mu lufumo lwo Ku Lusozi luno ng'ogha n'eby'okuboneraku okuva mu lufumo. (obubonero 25)

EKITUNDU B

KITONTOME NA MBOOZI

Mu kitundu kono iramu ebibuuzo byombiriri.

5. *Soma ekitontome kino omale oiremu ebibuuzo ebiiririra.*

Lwaki abantu benda okwefuula kyebatali?

Waayagaana omuntu Katonda gweyamaliraku ebiseera

Ng'ali kumuwumba, yaamusiiga akalangi akairugavu

Yaamudholiga bwamuyoyoota

Aye era omuntu mwene yeeyongeraku langi?
Oti katyo omuwumbi tiyamanha kyakukola!

Abantu abeeyerusa bantama!
Bwobabuuza lwaki beeyerusa
Beegemya bizigo.
Ebizigo bana byaidha!
Kambyete Mwidhirairala.
Byaidha oti myaka, tidhiirayo.

Omukazi azira kizigo tava ghaka
Eriyo abenda moviti, abandi kasoghera, kereya,
Aba bbeebbi nduunya tobala.
Baghoza mbu obulungi kwefaaku
Aye mbo!
Nga bibafuziiza ebimante!
Baaloghooza bati balungi inho ate nga muzira.
Babyesiiga bitundutundu
Meeni baanhuluguka amatama oti mboosa
Oja okubeetoolooza amaiso ng'emigulu - dyodyodyo
Gyairugala oti lyadiidi

Woo! Ensi okughaagho.
Abasaadha abasinga balingirira bwa maiso, nkoba feesi
Baagwidhagana nabo nga beesuubira kuzaala beeru.
Bona omukazi omweru bwakubagho omwana omwirugavu!
Oo! OKweyerusa kubi inho.

Ebizigo ebyo bitenia ate byatyereza omubiri
Bweguba nga gwakutungibwa, guyuzika buyuzike.
Abagaiga n'abaavu benda okubikozesa
Abula edh'omuunhu atabuze dha bizigo

Ababikozesa bakifuugha nga bakiiza munda
Bibaleeta amatondo mu maiso oti ga mpala
Omuntu eyali aboneka bulungi
Yaatenenjala oti ikere
Meeni mu bukaire baidhula enkoco
ensusu dhabeekaapa oti mbulu.

Ebibuuzo:

- a. Inhonhola amakulu g'ekitontome kino ng'ogha n'ebiyokuboneraku. (Obubonero 05)
- b. Ghandiika ebizibu bina abakazi abeeyerusa byebafuna? (Obubonero 04)
- c. Ekitontome kino kikwegeresaaiki? Inhonhola. (Obubonero 04)
- d. Ebigambo "Bifuziiza bangi ebimante" bitegeeza ki mu kitontome kino. (Obubonero 02)
- e. Ekitontome kino ki kuta mu mbeera ki ng'omusomi era embeera eno okola otya okugyeghala? (Obubonero 05)
- f. Inhonhola obukodyo omughandiisi ow'ekitontome kino bwakozeisa okutugha obubakabwe. (Obubonero 05)

EMBOOZI

6. *Soma emboozi eno ghaifo omale oiremu ebibuuzo ebiiririra:*

Dongo yaira ng'akooye yaawuumuliraku muntebe "mukulu-akooye" mwidiirolye. Kwolwo yali n'emirimu gyakoze omusana gwona gwona ng'ayenda kunaaba na kutendukiragho aye yali akaali kufuna kyakwizaaku mu naimaza, ng'ekyomunda kimuli bubu. Aagho gheyaidhukirira ati mukaziwe gweyagoba yali gha mugaso inho. Yairanga yazaanhaku n'abaanabe, baasanhuka. Kino n'ekyavaaku abantu okughulira agabbooli mu mamiro baalwanisa obufumbo okutuusa bwebwafa. Mukaziwe yali anherengeta oti igongolo isenhe nga mutontono aye nga muleeyiriri oti lusoloby. Yali mwangu inho ate nga mufubi. Yali nga olugambo talutambula bulungi era nga bwabona abalima empindi ku migongo gy'abandi, tataayo kiky. Omukazi ole yali mwikaikamu, era bweghebuuza obuzibu Dongo bweyamufunamu, buca bwaziba. Abantu baamusendasenda yaabinga omukazi ate waabulayo amuyamba. Yali wandhaghulo inho ku balirwanabe. Bale webaakoleranga olugambo n'okuyomba nga mwene agolola ngoye oba yenaakiza bintu.

Ebiroghoozo ebyo byamutwala mu kirooto. Yaloota nga abaire ali kutambula yaabita aghantu aghasirikirivu oti magombe. Yali yaakabitawo yaabona ekigogo nga bakisibyeku ebimuli yeena yayawukiragho yayagaanayo abasaadha bangi yaaja okubuuzaaku ensonga baamukoba bati baali baidhye kubalagula.

Amangu yaingira yaatyama. Yayagaana akakazi nga kavaire gomesi aye nga kali n'envu.

“Niighe Dongo. Oviira Ivunamba. Ghabinga omukazi aye buti oli kukifuugha ng’okiiza munda?” Kaakoba.

“Ninze mwenemwene. Obitegeire otya dhaadha!” Dongo yeeghuunia.

“Mbona ghala. Oyenda kwiza omukazi aye oteekeirwa okulwana inho.”

“Ndhidha kukola buli kyonankoba omukaire.”

Dongo yataaku kakokola tondeka inhuma yainhama olw’egha mukaziwe. Yecuusa bubi yaagwa okuva ku ntebe agho yaira engulu nga omukazi aziragho. Yasitukirawo yaaja yatenduka. Obwire obwo yasula ng’aloghooza engeri yeyali aja kwetondera mukaziwe n’abako. Tikyali kyangu aye yali asazeewo nga ekyo kyaja okukola kuba yali afunie obulezi obwekiwundukye. Obwire bwe bwaca yaaja yaagula ebintu bingi nga n’embuzi kwotaire anti aja kunhanda tiyerabira lutala era ni kapyataye yaja nayo kuba yali aidhi nga wa kwira ni mukaziwe.

Bweyatuuka ebuko, omughala yaamukobera ati n’eyali akakazi akakaire keyaloota mu kirooto. Ebintu byamwanguyira oti n’abisa empiso mu lyenvu era yaamaliriza nga aize ni mukaziwe n’abaana. Tiyairamu kwerabira kirooto ekyo kuba kyamuleetera eisanhu.

Ebibuuzo

- a. Ghandiika omutwe ogutuukaana n’olufumo luno. (Obubonero 02)
- b. Bukodyo ki omughandiisi bwakozeisa okutoolayo obubakabwe? (Obubonero 08)
- c. Emboози eno ekwegeresa ki? Inhonhola. (Obubonero 04)
- d. Oghulira otya ku musaadha ono? (Obubonero 06)
- e. Inhonhola ebintu omusaadha byeyakola okwizaagho amakaage. (Obubonero 05)

EKITUNDU C

EMIZAANHO

JOSEPH MUKWAYA NI GONZA ALICE: Kadaaga

7. (a) Kadaaga mucaala mu bacaala ateerya ntama era omuntu ow’endhawulo okusinzirira ku byakola. Ng’ogha eby’okuboneraku, laga ebimufuula okuba ow’endhawulo. (obubonero 15)
- (a) Inhonhola emiramwa egiri mu muzaanho Kadaaga. (Obubonero 10)

8. (a) Masomo ki gooyega okuva mu muzaanho Kadaaga. Gha eby'okuboneraku okuva mu mu muzaanho guno. (obubonero 15)
- (b) Bukodyo ki omughandiisi mu muzaanho Kadaaga bwakozesa okutoolayo emiramwa egiri mu muzaanho guno? (obubonero 10)

GONZA ALICE NI MOSES WAMBI

Endyege Mu Kibuga

9. (a) Inhonhola omugaso ogw'abazaanhi bano ghaifo;
- (i) Juser Wendo
- (ii) Tumbo.
- (iii) Boss.
- (Obubonero 15)
- (b) Inhonhola omulamwa ogwe Endyege mu muzaanho Endyege Mu Kibuga. (Obubonero 10)
10. (a) Inhonhola amasomo agali mu muzaanho *Endyege Mu Kibuga*. (Obubonero 25)

BIKANZE GHANO